



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

VII. Alternativa Officiorum in Provincia S. Antonii Lusitaniæ Fratr. Min. de  
Obs. Discalc.

---

[urn:nbn:de:hbz:466:1-74724](https://nbn-resolving.de/urn:nbn:de:hbz:466:1-74724)

finiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus præmissis, ac omnibus & singulis illis, qua memoratus Innocentius Prædecessor in suis literis supradictis voluit non obstat, ceterisque contrariis quibuscumque.

§. 3. Volumus autem, ut earumdem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo persone in Ecclesiastica dignitate constituta munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus, si forent exhibita, vel ostenta.

Datum Romæ apud Sanctam Mariam Magorem sub Annulo Piscatoris die XXVIII. Maji MDCCXXI. Pontificatus Nostri Anno Primo.

## VII.

Confirmatur Decretum Congregationis Episc. & Regul. de alternativa Officiorum pro Provincia S. Antonii in Lusitania Fratrum Min. de observ. Discalce.

A Clem. XI. Conf. ed. 1712. Dec. 23., P. 13. revocata fuit dismembratio Conventus S. Lucia, & Hospitiū de Portici. Et hujus Pontificis Conf. ed. 1722., Jun. 22., P. 2. extat commissio Nuncio Neapolis super eadem dismembratione.

Dat. 16. Junii  
1721. An. 1.

## INNOCENTIUS PAPA XIII.

*Ad futuram rei memoriam.*

Divisio Ter-  
ritoriī Pro-  
vinciā cum  
æqualitate  
numeri Reli-  
giōrum.

De alterna-  
tiva præcipuo-  
rum Officio-  
rum.

Nuper pro parte dilectorum filiorum Emmanuelis a Gloria, nonnullorumque fractum expressè professorum Provincie S. Antonii in Lusitania Ordinis Minorum S. Francisci de Observantia Discalceatorum nuncupatorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod ipsi pro bono pacis, & pacifico ejusdem Provincia regimine Alternativam Officiorum in ea cum divisione Territorii stabilire plurimum desiderabant in hunc modum, videlicet.

§. 1. Primo, quod prædicta Provincia Sancti Antonii secundum Regiones, Territoria, per quæ protenditur, in duas æquales partes dividatur, quarum Ulyssiponenses Civitates, Orientalem scilicet, & Occidentalem cum suis Territoriis, vulgo *Termos*, inclusive Provinciam de Alemviro, & Regiones ultra mare comprehendat, Altera vero totum id, quod a Territorio Ulyssiponense per Provinciam de Extremadura usque ad Villam de Canthanede districtus Civitatis Conimbricensis, inclusive includitur, & sic divisæ conserventur, ut Religiosorum numerus utriusque Hierarchia, Clericalis videlicet, & laicalis in unaquaque parte æqualis sit. Sed quia de præsenti numerus Ulyssiponensis in magna parte a non Ulyssiponensibus habet excedi, donec ad æqualitatem perveniant, ex Novitiis recipiendis duæ partes ex Ulyssiponensibus, & una ex aliis dumtaxat ad habitum admittatur, proportione servata inter Clericos, & Laicos, prout necessitatibus Provincia videbitur expedire, ita taliter, ut semper æqualis Fratrum numerus hinc inde valeat conservari, & haec quantum ad divisionem.

§. 2. Secundo: Quantum vero ad electionem Officiorum ita procedi debeat ut in uno Capitulo Minister Provincialis, & duo Definidores ex una parte, & Custos, & alii duo Definidores ex alia parte eligantur. In capitulo vero sequenti fiat viceversa. Quia tamen duodecim abhinc annis ex non Ulyssiponensibus quatuor Provincia-

les Ministri fortiti fuerunt, pro aliquali compensatione cum parte Ulyssiponensi in Capitulo proxime habendo alternativa ex Ulyssiponensibus exordium servar, & ex ipsis Minister Provincialis, & duo Definidores, ex non Ulyssiponensibus vero Custos & alii duo Definidores elegantur. In capitulo vero sequenti res e contra se habeat.

§. 3. Quod si ad electionem Vicarii Provincialis, deficiente Ministro ante completum triennium oporteat deveniri, digniore Patre Provinciali præsidente, in absentia Superioris Generalis ex eadem Provincialis parte Vicarius eligatur. Quod etiam in electionibus tum Commissarii Provincialis, tam etiam Proministri (impedito Provinciali) Capituli Generalis causa observandum erit, quantum scilicet ad hoc, quod electi ex eadem parte assumantur. Et si pariter observandum erit in Guardianorum electionibus, ut æqualis numerus ex unaquaque parte assumatur; Attamen, ut æqualis Conventuum distributione fiat, hic ordo servandus erit, quod ex illa parte, ubi Provincialis fuerit, elegantur Guardiani, vel Præsidentes cum voto pro Conventibus de Corthaneyra, Capanova, Penella, Soveral, Tancos, Canthanede, Sernachi; Ex illa vero, ubi Custos fuerit, elegantur similiter Guardiani, vel Præsidentes cum voto pro Conventibus Ulyssiponensis occidentalis, Collegii Coimbricensis, Cornota, Meriana, Penheyro Certeam, Convalescenza, & Pombal. At ne suffragia in Capitulis Provincialibus a parte Custodis partem alteram excedere valeant, tunc dumtaxat, & non alias Secretarius Provincialis, & ex parte Provincialis per electionem fiat, sicuti Guardiani, & votum habeat in Comitiis Provincialibus, quoadusque Conventus disparens fuerint: Ita enim Noyi Conventus, vel Hopotia sicuti Guardiani, & Præsidentes cum voto distribui debent, ut pro unaquaque parte suffragia sint æqualia: Quod si æquales existant in suffragiis hujusmodi, nec votum Secretarius Provincialis habeat, nec per suffragia, sed ad Provincialis libitum assumatur.

§. 4. Ad præsidentes quoque sine voto, Vicarios, Novitiorum Magistros, Ostiarios, & alia hujusmodi Officia cum æqualitate quantum fieri possit, Religiosi ex unaquaque parte assumantur, & qui in uno triennio fuerint ex una parte pro eisdem officiis, in alio sequenti ex altera eligantur.

§. 5. Idem pariter observandum erit pro studiis tum Philosophiae, tum Theologiae Scholasticae, tumque Moralis, ut Studentes, Lectores & qui Paßantes vulgo dicuntur, hinc inde in æquali numero elegantur, hac tamen exceptione, quod si ex una parte sufficiens non sint, qui legere possint, & hoc a pleno Definitorio approbetur, assumantur ex aliis, qui idonei repertientur, & haec de electionibus.

§. 6. Tertio in subrogationibus ita res se habeat, quod deficiente ante completum Triennium, vel promoto aliquo ex Officialibus, tum Definitori, tum etiam alio quocumque, alter ex eadem parte eius loco substituantur. Pro Definitorio vero hic specialis ordo servandus erit, quod in subrogatione unius, aut alterius ex Definitorio, Primo Patres Provincia secundum eorum ordinem, secundo Excustodes, tertio Exdefinidores, quartto Exguardiani antiquiores substituantur; Cum hoc tamen, quod si multi Guardiani æquales sint a die professionis unus alterum in subrogatione præcedat; Si vero antiquior Exguardianus sit Guardianus æqualiter, alter Guardianus ejusdem partis suo loco eligatur, & ipse in Definitorio subrogetur, in quo si triennium compleverit, gaudeat ac si Custos, vel Definitor in Capitulo electus fuisset, si tamen non compleverit, remaneat, acsi nullatenus subrogasset. Et quia in Regionibus ultra Mare pro Conventu de Gran-

De subroga-  
tionibus ante  
completum  
Triennium.

Pará,

1721.  
De Guar-  
diano, &  
Commissa-  
riis ultra ma-  
rinis.

Poenit in  
contrave-  
nientes.

Decretum  
Congrega-  
tionis pro  
recentia al-  
ternativa.

Preces non  
nullorum  
Religio-  
rum.

Confirmatio  
nem De-  
creti.

Clausula.

Parà, ex hac Provincia Guardianus, & Commissarius Provincialis eligi solent, ita electio impo-  
sterum fieri debeat, ut Guardianus eligendus semper ex parte Provincialis sit, Commissarius vero ex parte Custodis. Et si hic postquam suo officio functus fuerit, ad Provinciam primodi-  
am revertatur, locum immediatum post Exdi-  
finidores in subrogationibus obtineat. Si vero Commissarius Missionum pro eodem Gran Parà ex hac Provincia fieri contigerit, per triennium tantum perduret, & modo ex una parte, modo ex alia eligatur, ita ut in omnibus, & per omnia aequalis officiorum distributio conseretur.

§. 7. Et si Religiosus aliquis de praesenti, vel in futurum impugnaverit, & contradixerit, vel retardare præsumperit executionem Alternativæ hujusmodi, aut alicius ex conditionibus in ipsa præsertis, ipso facto privatus actibus legitimis in perpetuo existat.

§. 8. Emanavit ab eadem Congregatione Cardinalium Decretum tenoris, qui sequitur. Sacra Congregatio Eminentissimorum, & Reverendissimorum S. R. E. Cardinalium negotiis, & Consultationibus Episcoporum, & Regularium pre-  
posita, auditis PP. Procuratoris Curia, & aliis Superioribus Generalibus Ordinis referente Eminentissimo Priolo, censuit, præstatam Alternativam in omnibus juxta petita esse concedandam, prout praesenti Decreti vigore benigne concessit. Roma 23. Maii 1721.

§. 9. Cum autem sicut pro parte eorumdem Emmanuelis, & Fratrum Nobis subinde exposi-  
tum fuit, ipsi Decretum hujusmodi quo firmius subsistat Apostolica Confirmationis nostra patrono-  
cino communiri summopere desiderant: Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti aliquis Ecclesiasticis Sententiis, censuris, & poenit. a jure, vel ab homine quavis occasione, vel causa latet, si quibus quomodolibet iunodata existunt ad effectum præsentium dumtaxat consequendum harum serie absolventes, & absolutas fore censentes supplicationibus eorum nomine Nobis super hoc humiliter porrectis inclinati, Decretum præsertum auctoritatem Apostolica te-  
nore præsentium approbamus, & confirmamus, illique inviolabilis Apostolica firmatis robur ad-  
dicimus, salva tamen semper in præmissis auctoritate supradictæ Congregationis Cardinalium.

§. 10. Decernentes easdem præsentes literas firmas, validas, & efficaces existere, & fore, suolque plenarios, & integros effectus fortiri, & ob-  
tinere, ac illis ad quos spectat, & pro tempore spectabit plenissime suffragari, & ab eis respettive inviolabiliter observari: Sicque in præmissis per quoscumque Judices Ordinarios, & Delegatos etiam Caufarum Palatii Apostolici Auditores judicari, & definiri debere: ac irritum, & inane si secus super his a quoquam quavis authoritate scienter, vel ignoranter contigerit attentari.

§. 11. Non obstantibus præmissis, ac Constitutionibus, & Ordinationibus Apostolicis, nec non quatenus opus sit Provinciae, & Ordinis prædictorum, etiam juramento, confirmatione Apostolica, vel quavis firmitate alia robortis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficien-  
ter expressis, ac ad verbum insertis habentes, illis alias in suo robre permansurs ad præmissorum effectum hac vice dumtaxat specialiter, & expresse derogamus cæterisque contrariis quibus-  
cumque.

Datum Rome apud Sanctam Mariam Majorem sub annulo Piscatoris die XVI. Junii MDCCXXI. Pontificatus Nostri Anno Primo.

Conceduntur Privilegia Capellanis Sanctitatis Suæ.

Eadem Privilegia concessa fuere a Clem. XI. Constat. ed. 1712. Dec. 7. p. 13.

### INNOCENTIUS PAPA XIII.

Dat. 17. Junii  
1721. An. I.

*Ad futuram rei memoriam.*

Exordium  
in quo Ca-  
pellanorum  
nomina re-  
cen-  
tentur.

G Rata familiaritatis obsequia, quæ dilecti filii Dominicus Miliani nullius Diœcesis Provin-  
ciorum Romanarum, Petrus Paulus Quintii Reatin. Petrus Galeazzi Montis Falisci respective Diœcesis, & Josephus Anconitan. Canonicus Supranumerarius Ecclesie Anconitan. Presbyteri moderni Capella nostrarum Pontificum Capellani familiares Nostrorum, Nobis, & Apostolica Sedi haec tenus impenderunt, & adhuc solicitis studiis impendere non desistunt, necnon vita, ac morum honestas, aliaque laudabilia probitatis, & virtutum merita, quibus, eorum personas tam familiari experientia, quam etiam fide dignorum testimonii juvari percepimus; Nos inducunt, ut illis redamur ad gratiam liberales.

§. 1. Hinc est, quod Nos volentes illos specialibus favoribus, & gratiis prosequi, eoque a quibusvis excommunicationis, suspensionis, & interdicti, aliquis Ecclesiasticis sententiis, censuris, & poenit. a jure, vel ab homine quavis occasione, vel causa latet, si quibus quomodolibet iunodata existunt ad effectum præsentium dumtaxat consequendum harum serie absolventes, & absolutos fore censentes, Motu proprio, non ad supradictorum Dominici, Petri Pauli, Petri, & Josephi, vel alicuius ipsorum aut aliorum pro eis Nobis super hoc oblatæ petitionis instantiam, sed de mera nostra deliberatione, ac certa scientia, Apostol. Auctoritate tenore præsentium, Dominicum, Petrum Paulum, Petrum, & Josephum predictos, & illorum singulos in nostros, & Sedis Apostolica Notarios recipimus, ac Sacri Palatii, & aula Lateranen. Comites (sine tamen dilectorum filiorum Notariorum de numero participantium præjudicio,) necnon Nobiles Romanos, & Urbis Roma, omniumque & singularum aliarum Civitatum, Terrarum, & locorum Sanctæ Romanae Ecclesiæ mediate, vel immediate subjectorum Cives creamus & constituimus, ac in numerum, & consortium aliorum nostrorum, & ejusdem Sedis Notariorum, necnon Palatii, & aula Comitum, ac Nobilium Romanorum, aliorumque Civium Civitatum, & Oppidorum prædictorum referimus, & conscribimus.

§. 2. Ipsique etiam si habitum, & rochettum Notariorum dictæ Sedis juxta decretum Lateranen. Concilii novissime celebrati non deferant, aut Civitates hujusmodi non incoluerint, nec unquam in eisdem Civitatibus domicilium habuerint, ut omnibus, & quibuscumque privilegiis, & facultatibus, exemptionibus, immunitatibus, libertatibus, favoribus gratiis, & indultis, quibus cæteri omnes Notarii nostri, etiam de numero participantium, necnon Comites, & Nobiles, ac Cives originarii, etiam in dignitatum, & beneficiorum Ecclesiasticorum & secularium, etiam ex personis Romanorum originariorum vacantium, affectione, & exercitio tam in Urbe, quam Civitatibus prædictis, ac alias ubique locorum, & gentium, necnon lessionum, & conventuum utuntur, potinunt & gaudent, ac uti, potiri, & gaudere poterunt quomodolibet in futurum, non solum ad illorum instar, sed pariformiter, & æque principaliter, ac si privilegia, facultates, exemptiones, gratiæ, & indulta pro ipsis emissaient, (circa tamen exemptions a Concilio

Ipsorum  
privilegiis  
etiam si habi-  
tum non de-  
ferant de-  
nantur.